

Izjava visokog predstavnika povodom Nove Godine

“Početak nove godine donosi osjećaj novog početka. U slučaju Bosne i Hercegovine početak 2003. godine predstavlja stvarni početak, zbog toga što bi sve što je urađeno u 2002. godini na konsolidaciji dugoročnih reformi i poduzimanju novih sada trebalo početi davati rezultate. U 2003. godini mi ćemo krenuti putem za Evropu, koji su Mađarska i Poljska, kao i ostale zemlje Istočne Evrope upravo prešle. Uvjeren sam da Bosna i Hercegovina to može učiniti. Međutim, neću od vas kriti da će prvi dio ovog puta ka reformi biti izazovan i težak. U mnogim stvarima ćemo morati prebroditi veoma težak period prije nego što dođe do poboljšanja. Tempo promjena se mora ubrzati. Bosna i Hercegovina mora veoma brzo preći sa privrede koja zavisi od strane pomoći na privredu koja je zasnovana na izvozu. Mogućnost ekonomske propasti moramo zamijeniti ekonomskom održivošću i prosperitetom. Mi se natječemo sa našim susjedima za ulaganja i poslove. Do sada su oni vodili u ovoj utrci, a mi smo je gubili. Imamo veoma malo vremena da preokrenemo tu situaciju.

U 2003. godini očekujem da će vlasti i državna služba ispunjavati potrebe građana BiH. Političari moraju djelovati brzo u cilju uklanjanja zakona koji sprečavaju otvaranje novih radnih mjesta, te pojačati tempo privatizacije i donijeti moderne komercijalne zakone; birokracija mora pomagati a ne odmagati radnicima i poduzetnicima koji otvaraju nove firme ili proširuju postojeće. Ovo je trka s vremenom.

U 2003. godini, mi imamo sredstva da preokrenemo situaciju u Bosni i Hercegovini. Ovoj zemlji ne nedostaje poduzetništva; ovoj zemlji ne nedostaju stručni kadrovi; ovoj zemlji ne nedostaje volja za marljivim radom. Smatram da ovo može biti godina u kojoj će marljivi rad i dobra volja građana BiH biti nagrađeni boljim vremenima.”